



**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA TEŠANJ  
Savjet za lokalni ekonomski razvoj (SLER)**

---

Datum: 19.01.2015. godine

**ZAPISNIK  
sa treće sjednice Savjeta za lokalni ekonomski razvoj (SLER)**

Vrijeme sjednice: 09.01.2015. godine od 10,00 do 12,05 sati.

Prisutno 10 članova SLER i to: Predsjednik SLER (Općinski načelnik Suad Huskić); Direktor "TRA" Agencije za razvoj općine Tešanj (Ismar Alagić); Šef poslovnice Zavoda za zapošljavanje - Biro Tešanj (Muharem Berberović); Direktor "Mann+Hummel" BA Tešanj (Mahmut Galijašević); Direktor "Nord Ent" d.o.o. Tešanj (Nazif Hamzić); Direktor "Ascom" d.o.o. Tešanj (Ibrahim Krdžalić); Predsjednik udruženja privrednika "Biznis centar" Jelah-Tešanj (Senad Brka-kao predstavnik); Predsjednica "Udruženje žena poljoprivrednica usorsko-tešanjskog kraja" (Ruža Vljaković); Direktor "Alpina Bromy" d.o.o. Tešanj (Suad Roša) i Direktor "Klas" d.d. Sarajevo (Rusmir Hrvić).

Odsutni: Predsjedavajući Općinskog vijeća; Pomoćnik općinskog načelnika za privredu, finansije, komunalne i inspeksijske poslove (Hamzaliya Hojkurić), Direktor JP "RAD" Tešanj (Mirsad Šaranović); Direktor Mješovite srednje škole Tešanj (Muharem Saračević); Direktor "Hifa Oil" d.o.o. Tešanj (Venan Hadžismajlović);

Ostali prisutni: Jasmin Adilović, USAID-Sida GOLD PROJEKT; Aida Kavazović iz općine Lukavac, Gjalt Pilat vlasnik firme Nord Ent, Muhamed Džihić, predstavnik TRA, Edin Jašarević i Mirnes Dedukić, zapisničar.

Predsjednik SLER otvara treću sjednicu SLER, konstatuje da je na sjednici prisutno 10 članova i da postoji kvorum za rad, te čita predloženi dnevni red:

- 1. Usvajanje zapisnika sa druge sjednice SLER-a i informacija o realizaciji inicijativa sa prethodnih sjednica SLER-a**
- 2. Informacija o investicijama u poslovnu infrastrukturu 2014/2015**
- 3. Plan rada SLER-a za 2015. godinu**
- 4. Predstavljanje aktivnosti u okviru GOLD projekta**
- 5. Prijedlog novih inicijativa**

Prisutni nisu imali prijedloga za izmjenu i dopunu dnevnog reda, **te je jednoglasno usvojen predloženi dnevni red.**

**Tačka 1.**

**Usvajanje zapisnika sa druge sjednice SLER i informacija o realizaciji inicijativa sa prethodnih sjednica SLER.**

Nije bilo sugestija na zapisnik i informaciju, te je SLER **jednoglasno usvojio**

**ZAKLJUČAK**

**Usvaja zapisnik sa druge sjednice SLER i informacija o realizaciji inicijativa sa prethodnih sjednica SLER.**

## Tačka 2.

### Informacija o investicijama u poslovnu infrastrukturu 2014/2015

**Predsjednik SLER** je prezentirao informaciju o aktivnostima u 2014. godini i to:

#### Poslovna zona Glinište

- Vršena eksproprijacija zemljišta za gradnju nove sobračajnice u dužini od 755 metara (180.000 KM),
- Izvršeno uređenje puta kroz bivše izbjegličko naselje u Rosuljama i regulisani električni, telekomunikacijski i drugi vodovi, gdje je investirano (169.518 KM)
- Projektovanje unutar poslovne zone (20.000 KM).

#### Poslovna zona Ciglana

- Izgrađeni trotari, bankine i parking (15.771 KM)
- Premještena nadzemna u podzemnu instalaciju (Općina 16.399 KM i Elektrodistribucija 180.000 KM)

#### Poslovna zona Bukva

- Izgrađena nova dionica treće trake (119.908 KM)

#### Ostali projekti

- Čišćenje vodotoka na 13 lokacija (30.000 KM)
- Uređena saobraćajna signalizacija
- Uklanjene kuće u izbjegličkom naselju Rosulje
- Ministarstvu kandidovana treća traka Jelah-ulaz Ciglana

#### **Planovi za 2015. godinu**

- Nastavak rješavanja imovinsko-pravnih odnosa u poslovnoj zoni Glinište
- Nastavak izgradnje treće trake u Bukvi (do SILK TRADE)
- Izgradnja mosta kod Toplane
- Izgradnja rasvjete u poslovnoj zoni Bukva
- Plansko uređivanje korita vodotoka
- Jačanje elektroenergetskih kapaciteta – izgradnja nove Trafostanice snage 110 KV do kraja 2017 godine, čime bi se osigurala energija za razvoj Tešnja za narednih 20. godina

Pojačana snaga trafostanice u Bukvi sa 20 MVA na 40MVA što će osigurati stabilnost do izgradnje nove trafostanice

- Aktivnosti Općine Tešanj oko izgradnje autoceste - Koridor 5 C (Općina Tešanj uputila 13 “zahtjeva” prema JP Autoceste FBiH kako se stvorili što bolji uslovi prilikom izgradnje autoceste kroz teritorij općine Tešanj, a neki od njih su: priključak u Medakovu; regulacija korita rijeke Tešanjke; treća traka do Tešanjke; treća traka od kružnog toka do Jelaha; uređenje alternativnog puta pored tunela na Crnom vrhu)
- Kanalizacija: izvršena eksproprijacija korištenja zemljišta, očekuju se prvi radovi ove godine, na dionici od zgrade JP RAD do Novog Sela (benziska pumpa Kosovčić)
- Harmonizacija podataka o vlasništvu nad nekretninama (Besplatno usklađenje podataka u katastru i gruntovnici za stanovnike koji se nalaze na području KO Tešanj I, KO Tešanj II i KO Jelah, s tim da će se u narednom periodu obuhvatiti još 4 KO).

Rekapitulacija projekata 2014/15 – 981.000 KM

Nakon završene prezentacije otvorena je diskusija:

**Nazif Hamzić:** Iznosi informaciju da projekat izgradnje kanalizacije ne odgovara firmi Nord Ent i nekim stanovnicima u blizini, te ističe problem nezavršenih radova izgradnje vodovoda koji prolazi pored/ispred njihove firme, jer nezavršeni radovi rezultiraju dodatne troškove firmi.

**Ibrahim Krdžalić:** Postavlja pitanje o problemu mosta na putu Medakovo – Šije, da li će biti rješavano?

**Ruža Vlajković:** Ističe da su prezentirani rezultati ohrabljujući i bila bi sretna ako se sve planirano realizuje.

**Mahmut Galijašević:** Postavlja pitanje o planovima za most kod Toplane jer je to u interesu i Mann Hummella?

**Predsjednik SLER:**

- Može se organizovat posebna sastanak sa saradnicima iz Općine, kako bi se razmatrali prijedlozi i sugestije koje se odnose na položaj kanalizacije kroz poslovnu zonu Bukva,
- Vodovodu Medakovo-Trepče - na prijedlog nadzornog organa obustavljeni su radovi zbog nekvalitetnih radova, te je moguć raskid ugovora sa izvođačem, te uvođenje JP RAD Tešanj kao izvođača radova.

**Nazif Hamzić** – Kada će biti završeni navedeni radovi, jer firma ima planove oko vanjskog uređenja?

**Predsjednik SLER:**

- Ističe da je Općina na raspolaganju da finansira eventualne troškove firme Nord Ent koji su izazvani gradnjom vodovoda kroz njihovu parcelu, iako Općina nije direktno odgovorna za nastalu štetu,
- Put Medakovo-Šije je proglašen regionalnim putem, te je odluka o proglašenju trebala stupiti na snagu 15.11.2014. godine, ali je Vlada FBiH prolongirala primjenu odluke za 15.03.2018. godine, te su u toku usklađivanje nadležnosti sa kantonom koji je započeo neke aktivnosti,
- U fazi su razrade projekata, planova i eventualni troškovi za radove na mostu kod Toplane.

**Senad Brka:** Postavlja pitanje u vezi rješavanja saobraćajnice u poslovnoj zoni Ciglana?

**Predsjednik SLER:** Ističe da je projekat ranije kandidovan kod nadležnog ministarstva, ali nije dobio prioritet kod ministarstva, ali će se projekat ponovo kandidovati radi priključka i treće trake

Nakon diskusije SLER je **jednoglasno usvojio**

**ZAKLJUČAK**

**Informacija o investicijama u poslovnu infrastrukturu 2014/2015 prima se k znanju.**

**Tačka 3.**  
**Plan rada SLER-a za 2015. godinu**

Predsjednik SLER prezentira Plan rada SLER za 2015. godinu, te ističe da je planirano održavanje najmanje 4 sjednice SLER, odnosno jednom kvartalno, kako bi se održao kontinuitet rada SLER-a (Plan sadrži 12 tačaka).

**Ibrahim Krdžalić:** Čestita za iscrpan izvještaj, te predlaže da se u Plan rada uvrsti tačka o potrebama i pravcima daljeg razvoja TRA Tešanj.

**Predsjednik SLER:** Predlaže da se na prijedlog Ibrahima Kržalića izjasne članovi SLER, te je SLER **jednoglasno usvojio**

**ZAKLJUČAK**

**Da se u Plan rada SLER za 2015. godinu uvrsti tačka “Pravci daljeg razvoja Agencije za razvoj općine Tešanj“.**

Nakon diskusija **SLER je jednoglasno donio**

**ZAKLJUČAK**

**Usvaja se Plan rada SLER za 2015. godinu sa usvojenim prijedlogom.**

**Tačka 4**  
**Predstavljanje aktivnosti u okviru GOLD projekta**

**Jasmin Adilović** predstavio je osnovne ciljeve GOLD Projekta, a to su: nova radna mjesta, povećanje izvoza i nove investicije. Pored toga informisao je da su dva koncept projektna prijedloga prijavljena na Grant program Gold projekta u 2014. godini. Jedan projektni prijedlog je predala TRA, iz oblasti metaloprerade kojim je planirana nabavka opreme i obuku 15 nezaposlenih kandidata u trajanju od 180 sati, čime bi se jednom broju obučenih omogućilo zaposlenje. Drugi projektni prijedlog je apliciralo Udruženje privrednika, u partnerstvu sa firmom „Napredak“ i „Srednjom mješovitom školom Tešanj“ kojim bi se vršila obuka i osposobljavanje radnika za potrebe firme Napredak.

Nakon diskusije **SLER je jednoglasno donio**

**ZAKLJUČAK**

**Prihvata se informacija o projektu GOLD, a svi koji imaju interes da ostvare neki vid podrške kroz projekat mogu dirktno kontaktirati predstavnike projekta ili uposlenike TRA, Agencije za razvoj općine Tešanj.**

**Tačka 5.**  
**Prijedlog novih inicijativa**

**Predsjednik SLER:** Informacija o realizaciji inicijativa sa ranijih sjednica SLER je dostavljena u materijalima, te se otvara diskusija za nove inicijative.

**Ruža Vlajković:** Nije zadovoljna čišćenjem snijega, naročito u Lepenici gdje kamion koji sakuplja mlijeko imao problema tokom saobraćaja zbog lošeg čišćenja, te se obraćala izvođaču radova i mjesnoj zajednici, te ima informaciju da nisu uplaćena neka sredstva za čišćenje snijega.

**Predsjednik SLER:** Općina nema dugovanja prema firmama niti prema mjesnim zajednicama koje organizuju čišćenje snijega. Mogući su problemi kao što je bilo na relaciji Tešanj-Tešanjka, ali apeluje na sve ukoliko imaju posebne potrebe npr. za transport, da se obrate mjesnoj zajednici, izvođaču ili Općini.

**Muharem Berberović:** Čestita na informaciji i projektima. Predlaže da se plan zapošljavanja na kojem radi TRA i Udruženje privrednika, uobzire potrebe po sektorima, a naročito oni kojima treba podrška u radu.

**Predsjednik SLER:** Plan zapošljavanja se radi kako bi imali plansko djelovanje, te je plan zapošljavanja uvršten u Plana rada SLER.

**Ruža Vlajković:** Da se u plan rada SLER uvrsti edukacija ljudi koji rade na proizvodnji i prikupljanju mlijeka.

**SLER je jednoglasno usvojio inicijativu: “Da se u toku 2015. godine identifikuje tema i organizuje jednodnevna edukacija ljudi koji rade na proizvodnji i prikupljanju mlijeka.”**

ZAPISNIČAR  
Mirnes Dedukić

PREDSJEDNIK SLER-a  
mr.sc Suad Huskić